


大般若波羅蜜多經

第五百八

五十一
巨八

47305



元祿九年丙子二月日重修

皇國聖書

佛日增輝 佛輪常轉

山城州天安寺法金剛院置

大般若波羅蜜多經卷第五百八

巨

三藏法師玄奘奉

詔譯

第三分陀羅尼品第十三之一



時天帝釋竊作是念若善男子善女人等得聞如是甚深般若波羅蜜多法門名字當知過去已曾親近無量如來應正等覺發弘誓願種種善根多善知識之所攝受況能書寫受持讀誦如理思惟為他演說或能教修行當知是人已於過去無量佛所親近承事供養恭敬植衆德本曾聞般若波羅蜜多聞已受持思惟讀誦為他演說如教修行或於此經能問能答由先福力今辨是事若



善男子善女人等已曾供養無量如來應正
等覺功德純淨聞深般若波羅蜜多其心不
驚不恐不怖聞已信樂如說修行當知是人
曾於過去無量百千俱胝佛所發弘誓願修
行布施乃至般若波羅蜜多故於今生能成
是事時舍利子亦白佛言若善男子善女人
巨 大般若經卷八
等聞此般若波羅蜜多甚深義趣其心不驚
不恐不怖聞已書寫受持讀誦如理思惟為
他演說廣令流布如教修行當知是人如不
退位諸大菩薩所以者何如是般若波羅蜜
多義趣甚深極難信解若於先世不久修行
布施等六波羅蜜多豈暫得聞即能信解世

尊若善男子善女人等聞說般若波羅蜜多甚深義趣毀訾誹謗當知是人先世於此甚深般若波羅蜜多亦曾毀謗何以故如是愚人聞說般若波羅蜜多甚深義趣由宿習力不信不樂心不清淨所以者何如是愚人於過去世未曾親近諸佛菩薩及餘賢聖味曾清問云何應行布施等六波羅蜜多廣說乃至云何應學十八佛不共法故今聞說甚深般若波羅蜜多毀訾誹謗不信不樂心不清淨爾時天帝釋謂舍利子言如是般若波羅蜜多義趣甚深極難信解諸有未久信樂修行布施等六波羅蜜多廣說乃至十八佛不

其法及餘無量無邊佛法聞此般若波羅蜜
多甚深義趣不能信解或生毀謗未為希有
大德我今敬禮甚深般若波羅蜜多我若敬
禮甚深般若波羅蜜多即為敬禮一切智智
今時佛告天帝釋言如是如是如汝所說敬
禮般若波羅蜜多即為敬禮一切智智何以
故巨憍尸迦諸佛所得一切智智及餘無量無
邊功德皆依般若波羅蜜多而成辦故憍尸
迦若菩薩摩訶薩欲住如來一切智智當學
般若波羅蜜多欲起諸佛一切智道相智一
切相智當學般若波羅蜜多欲斷煩惱習氣
相續證得無上正等菩提轉妙法輪度有情

大般若經卷五十八

衆當學般若波羅蜜多。憍尸迦。若善男子。善
女人等。欲得預流。一來不還。阿羅漢果。獨覺
菩提。當學般若波羅蜜多。憍尸迦。若菩薩摩
訶薩。欲善安立。聲聞種姓。補特伽羅。住聲聞
乘。獨覺種姓。補特伽羅。住獨覺乘。菩薩種姓。
補特伽羅。住無上乘。當學般若波羅蜜多。憍
尸迦。若菩薩摩訶薩。欲伏衆魔。摧諸外道。黑
暗。朋黨。當學般若波羅蜜多。憍尸迦。若菩薩
摩訶薩。欲捨攝受諸苾芻。衆令善調。伏當學
般若波羅蜜多。

爾時天帝釋白佛言。世尊。諸菩薩摩訶薩。行
深般若波羅蜜多時。云何住色。云何住受。想

行識云何習色云何習受想行識廣說乃至
云何住十八佛不共法云何習十八佛不共
法今時佛告天帝釋言善哉善哉汝於今者
承佛神力能問如來如是深義汝應諦聽當
為汝說憍尸迦諸菩薩摩訶薩行深般若波
羅蜜多時若於色不住不習是為住習色若
巨 大般若經卷第八
於受想行識不住不習是為住習受想行識
三
廣說乃至若於十八佛不共法不住不習是
為住習十八佛不共法何以故憍尸迦諸菩
薩摩訶薩行深般若波羅蜜多時於色不得
可住可習於受想行識不得可住可習廣說
乃至於十八佛不共法不得可住可習故復

次憍尸迦諸菩薩摩訶薩行深般若波羅蜜
多時若於色非住非不住非習非不習是為
住習色若於受想行識非住非不住非習非
不習是為住習受想行識廣說乃至若於十
八佛不共法非住非不住非習非不習是為
住習十八佛不共法何以故憍尸迦諸菩薩
摩訶薩行深般若波羅蜜多時觀色乃至十
八佛不共法前後中際不可得故

尔時舍利子白佛言世尊如是般若波羅蜜
多最為甚深佛言如是色真如甚深故般若
波羅蜜多最為甚深乃至十八佛不共法真
如甚深故般若波羅蜜多最為甚深世尊如

是般若波羅蜜多難可測量佛言如是色真
如難測量故般若波羅蜜多難可測量乃至
十八佛不共法真如難測量故般若波羅蜜
多難可測量世尊如是般若波羅蜜多最為
無量佛言如是色真如無量故般若波羅蜜
多亦巨無量乃至十八佛不共法真如無量故
大般若經五百八
般若波羅蜜多亦無量復次舍利子諸菩薩
摩訶薩行深般若波羅蜜多時若行色甚深
性非行般若波羅蜜多乃至若行十八佛不
共法甚深性非行般若波羅蜜多何以故舍
利子色甚深性即非色乃至十八佛不共法
甚深性即非十八佛不共法故復次舍利子

諸菩薩摩訶薩行深般若波羅蜜多時若行
色難測量性非行般若波羅蜜多乃至若行
十八佛不共法難測量性非行般若波羅蜜
多何以故舍利子色難測量性即非色乃至
十八佛不共法難測量性即非十八佛不共
法故復次舍利子諸菩薩摩訶薩行深般若
波羅蜜多時若行色無量性非行般若波羅
蜜多乃至若行十八佛不共法無量性非行
般若波羅蜜多何以故舍利子色無量性即
非色乃至十八佛不共法無量性即非十八
佛不共法故時舍利子復白佛言如是般若
波羅蜜多既最甚深難測無量則難信解不

應輒在新學大乘菩薩前說所以者何勿彼
聞此甚深般若波羅蜜多其心驚惶恐怖疑
惑或生毀謗不能信解但應在彼不退轉位
菩薩前說所以者何彼聞如是甚深般若波
羅蜜多心不驚惶恐怖疑惑不生毀謗深心
信解巨 尔時天帝釋問舍利子言若有輒在新
學大乘菩薩前說甚深般若波羅蜜多五 有何
等過舍利子言若有輒在新學大乘菩薩前
說甚深般若波羅蜜多彼聞驚惶恐怖疑惑
不能信解或生毀謗由斯造作增長能感隨
惡趣業沒三惡趣久受大苦難證無上正等
菩提是故不應在彼前說甚深般若波羅蜜

多時天帝釋復問具壽舍利子言頗有菩薩
未受無上大菩提記聞深般若波羅蜜多心
不驚惶恐怖疑惑不生毀謗深信解不舍利
子言有憍尸迦是菩薩摩訶薩不久當受大
菩提記憍尸迦若菩薩摩訶薩聞深般若波
羅蜜多心不驚惶恐怖疑惑不生毀謗深心
信解當知是菩薩摩訶薩已受無上大菩提
記設未受者不過一佛或二佛所定當得受
大菩提記爾時佛告舍利子言如是如是如
汝所說舍利子若菩薩摩訶薩久學大乘久
發大願久行六種波羅蜜多及餘無量無邊
佛法供養多佛事多善友聞深般若波羅蜜

多心不驚惶恐怖疑惑深心信解受持讀誦
如理思惟為他演說或復書寫如說修行

爾時舍利子白佛言世尊我今樂說少分譬

喻唯願世尊哀愍聽許佛告舍利子隨汝意

說舍利子言如住火乘諸善男子善女人等

夢中修行般若靜慮精進安忍淨戒而絕波

巨 大般若經卷八

羅蜜多乃至安坐妙菩提座當知是人尚近

無上正等菩提況有菩薩為求無上正等菩

提覺時修行般若靜慮精進安忍淨戒布施

波羅蜜多而不疾證所求無上正等菩提世

尊是菩薩摩訶薩不久當坐妙菩提座證得

無上正等菩提轉妙法輪度有情衆世尊若

善男子善女人等得聞如是甚深般若波羅
蜜多受持讀誦精勤修學如理思惟當知是
人久學大乘善根成熟多供養佛事多善友
植衆得本能成是事世尊若善男子善女人
等得聞如是甚深般若波羅蜜多信解受持
讀誦修習為他演說如理思惟當知是人或
已得受大菩提記或近當受大菩提記世尊
是善男子善女人等如住不退位菩薩摩訶
薩速證無上正等菩提由此得聞甚深般若
波羅蜜多能深信解受持讀誦如理思惟依
教修行為他演說世尊譬如有人遊涉曠野
經過嶮道百踰繕那或二或三或四五百見

諸城邑王都前相謂放牧人園林田等見諸
相已便作是念城邑王都去此非遠作是念
已身意泰然不畏惡獸惡賊飢渴世尊諸菩
薩摩訶薩亦復如是若得聞此甚深般若波
羅蜜多受持讀誦如理思惟深生信解應知
不久當得受記或已受得疾證無上正等菩

巨

大般若經卷八

提是菩薩摩訶薩無隨聲聞獨覺地畏所以
者何是菩薩摩訶薩已得見聞供養恭敬尊
重讚歎甚深般若波羅蜜多無上菩提之前
相故尔時佛告舍利子言如是如是如汝所
說汝承佛力當獲說之時舍利子復白佛言
譬如有人欲觀大海漸次往趣經歷多時不

見山林便作是念。今觀此相大海非遠。所以者何。近大海岸地。必漸下。無諸山林。彼人介時。雖未見海。而見近相。歡喜踊躍。我速定當得見大海。滿本所願。豈不快哉。世尊。諸菩薩摩訶薩。亦復如是。若得聞此甚深般若波羅蜜多。受持讀誦。如理思惟。深生信解。是菩薩摩訶薩。雖未得佛現前授記。汝於來世經小時劫。當得無上正等菩提。而應自知受記。非遠所以者何。是菩薩摩訶薩。已得見聞恭敬供養。受持讀誦。如理思惟。甚深般若波羅蜜多。無上菩提之前相。故世尊。譬如春時。華菓樹等。故葉已隨枝條。滋潤衆人。見之咸作是

念新華菓葉當出非久所以者何此諸樹等
新華菓葉先相現故瞻部洲人男女大小觀
此相已歡喜踊躍皆作是念我等不久當得
見此華菓茂盛世尊諸菩薩摩訶薩亦復如
是若得聞此甚深般若波羅蜜多受持讀誦
如理思惟深生信解當知宿世善根成熟多
巨供養佛事多善友不久當受大菩提記世尊
大般若經卷第八
是菩薩摩訶薩應作是念我先定有勝善根
力能引無上正等菩提故今見聞供養恭敬
甚深般若波羅蜜多受持讀誦深生信解如
理思惟隨力修習世尊今此會中有諸天子
見過去佛說此法者歡喜踊躍咸共議言昔

諸菩薩聞說般若波羅蜜多便得受記今諸
菩薩既聞般若波羅蜜多不久定當受菩提
記世尊譬如女人懷孕漸久其身轉重動止
不安飲食睡眠悉皆減少不意多語狀常所
作受苦痛故象事頓息有異世人見是相已
即知此女不久產生世尊諸菩薩摩訶薩亦
復如是宿植善根多供養佛久事善友善根
熟故今聞般若波羅蜜多受持讀誦如理思
惟深生信解隨力修學世尊是菩薩摩訶薩
由此因緣當知不久得受無上大菩提記今
時佛讚舍利子言善哉善哉汝能善說菩薩
譬喻當知皆是佛威神力令汝引發如是辨

才尔時善現便白佛言甚奇如來應正等覺
善能付囑諸菩薩摩訶薩善能攝受諸菩薩
摩訶薩佛告善現如是如是如汝所說所以
者何諸菩薩摩訶薩求趣無上正等菩提為
多有情得利樂故憐愍饒益諸天人故是諸
菩薩摩訶薩衆精勤修學菩薩道時為欲饒
益無量百千諸有情故以四攝事而攝受之
一者布施二者愛語三者利行四者同事是
菩薩摩訶薩自正安住十善業道亦安立他
令勤修學十善業道自行四靜慮四無量四
無色定亦勸他行四靜慮四無量四無色定
自行布施乃至般若波羅蜜多亦勸他行布

巨
大般若經卷第八

九

施乃至般若波羅蜜多是菩薩摩訶薩依止
般若波羅蜜多方便善巧雖教有情證預流
果乃至證得獨覺菩提而自不證是菩薩摩
訶薩自勤精進修菩薩行亦勸他修諸菩薩
行自住菩薩不退轉地亦勸他住不退轉地
自勤精進嚴淨佛土成熟有情亦復勸他嚴
淨佛土成熟有情自勤發起菩薩神通亦勸
他起菩薩神通自勤嚴淨陀羅尼門三摩地
門亦復勸他令勤嚴淨陀羅尼門三摩地門
自能證得圓滿辨才亦令他得圓滿辨才自
能攝受圓滿色身具諸相好亦復勸他令能
攝受圓滿色身具諸相好自能攝受圓滿童

真行亦勸他攝受圓滿。真行自修行四念
住廣說乃至一切相智亦復勸他修行四念
住廣說乃至一切相智自斷煩惱習氣相續
亦復勸他斷諸煩惱習氣相續自證無上正
等菩提轉妙法輪。度有情衆亦復勸他證得
無上正等菩提轉妙法輪。度有情衆。爾時善
現巨獲白佛言希有世尊甚奇善逝諸菩薩摩
訶薩成就如是。大功德聚為欲利樂一切有
情行深般若波羅蜜多求證無上正等菩提
欲盡未來度有情衆世尊云何菩薩摩訶薩
行深般若波羅蜜多疾得圓滿佛告善現若
菩薩摩訶薩行深般若波羅蜜多時不見色

若增若減不見受想行識若增若減廣說乃至不見一切智若增若減不見道相智一切相智若增若減是菩薩摩訶薩行深般若波羅蜜多疾得圓滿復次善現若菩薩摩訶薩行深般若波羅蜜多時不見是法是非法不見是過去是未來是現在不見是善是不善是無記不見是有為是無為不見是欲界是色界是無色界不見是布施波羅蜜多乃至是般若波羅蜜多廣說乃至不見是一切智道相智一切相智是菩薩摩訶薩行深般若波羅蜜多疾得圓滿所以者何以一切法無性相故無作用故不可轉故虛妄誑詐性不

堅實不自在故無覺受故離我乃至離見者
故具壽善現復白佛言如來所說不可思議
佛告善現如是如是如來所說不可思議善
現當知色不可思議故如來所說不可思議
受想行識不可思議故如來所說不可思議
廣說乃至一切智不可思議故如來所說不
巨 大般若經五百
可思議道相智一切相智不可思議故如來
所說不可思議若菩薩摩訶薩行深般若波
羅蜜多時雖如實知色不可思議而不起不
可思議想廣說乃至雖如實知一切相智不
可思議而不起不可思議想是菩薩摩訶薩
行深般若波羅蜜多疾得圓滿復次善現若

菩薩摩訶薩行深般若波羅蜜多時於色乃至一切相智不起若不可思議若不可思議想是菩薩摩訶薩行深般若波羅蜜多疾得圓滿尔時善現復白佛言如是般若波羅蜜多義趣甚深誰能信解佛告善現若菩薩摩訶薩久修六種波羅蜜多久植善根多供養佛事多善友是菩薩摩訶薩於深般若波羅蜜多能生信解具壽善現復白佛言齊何應知是菩薩摩訶薩久修六種波羅蜜多久植善根多供養佛事多善友佛告善現若菩薩摩訶薩行深般若波羅蜜多時於色不起分別無異分別於受想行識不起分別無異分別

於色相不起分別無異分別於受想行識相
不起分別無異分別於色性不起分別無異
分別於受想行識性不起分別無異分別廣
說乃至於一切智不起分別無異分別於道
相智一切相智不起分別無異分別於一切
智相不起分別無異分別於道相智一切相
巨 大般若經卷八
智相不起分別無異分別於一切智性不起
分別無異分別於道相智一切相智性不起
分別無異分別所以者何以色乃至一切相
智皆不可思議故善現齊此應知是菩薩摩
訶薩久修六種波羅蜜多久植善根多供養
佛事多善友尔時善現獲白佛言如是般若

波羅蜜多最為甚深佛言如是色甚深故般
若波羅蜜多甚深受想行識甚深故般若波
羅蜜多甚深廣說乃至一切智甚深故般若
波羅蜜多甚深道相智一切相智甚深故般
若波羅蜜多甚深具壽善現護白佛言如是
般若波羅蜜多是是寶聚佛言如是能與有
情功德寶故如是般若波羅蜜多大珍寶聚
能與有情十善業道四靜慮四無量四無色
定五神通寶能與有情布施等六波羅蜜多
廣說乃至一切相智寶能與有情預流果乃
至獨覺菩提寶能與有情一切菩薩摩訶薩
行諸佛無上正等菩提轉法輪寶是故般若

波羅蜜多名大寶聚具壽善現。復白佛言甚
深般若波羅蜜多是清淨聚。佛言如是如是。
一切法清淨聚。故善現當知色清淨故甚深
般若波羅蜜多是清淨聚。廣說乃至一切相
智清淨故甚深般若波羅蜜多是清淨聚。尔
時善現。復白佛言。希有世尊。甚奇善逝。如是
巨般若波羅蜜多。以最深多諸留難。而今廣
大般若經卷八
說留難不生。佛告善現。如是如是。甚深般若
波羅蜜多。多諸留難。佛神力故。今雖廣說留
難不生。是故大乘諸善男子。善女人等。於此
般若波羅蜜多。甚深經典。若欲書寫受持讀
誦修習。思惟為他演說。應疾書寫。乃至演說。

所以者何甚深般若波羅蜜多多諸留難勿
令書寫乃至演說留難事起不得究竟善現
當知如是善男子善女人等若欲一月或二
或三乃至一歲書寫如是甚深般若波羅蜜
多能究竟者應勤精進繫念書寫經小時
令得究竟若欲一月或二或三乃至一歲受
持讀誦修習思惟為他演說如是般若波羅
蜜多甚深經典能究竟者應勤精進繫念受
持乃至演說經小時令得究竟何以故甚
深般若波羅蜜多大寶神珠多留難故小時
善現復白佛言希有世尊甚奇善逝甚深般
若波羅蜜多大寶神珠多諸留難而有書寫

受持讀誦修習思惟為他說者惡魔於彼不
作留難令不書寫乃至演說佛告善現惡魔
於此甚深般若波羅蜜多雖欲留難令不書
寫乃至演說而彼無力可能留難令彼菩薩
所作不成時舍利子即白佛言是誰神力令
彼惡魔不能留難彼諸菩薩摩訶薩書寫等
巨 大般若經五百八
事佛告舍利子是佛神力令彼惡魔不能留
難彼諸菩薩書寫等事又舍利子亦是十方
一切世界諸佛神力令彼惡魔不能留難彼
諸菩薩書寫等事又舍利子一切如來應正
等覺皆共護念行深般若波羅蜜多諸菩薩
故令彼惡魔不能留難住菩薩乘善男子等

令不書寫乃至演說甚深般若波羅蜜多何
以故舍利子諸佛世尊皆共護念行深般若
波羅蜜多諸菩薩衆所作善業令彼惡魔不
能留難又舍利子若諸菩薩能於般若波羅
蜜多甚深經典書寫受持讀誦修習思惟演
說法亦應為十方世界一切如來應正等覺
現說法者之所護念若蒙諸佛所護念者法
亦惡魔不能留難又舍利子若有淨信善男
子等能於般若波羅蜜多甚深經典書寫受
持讀誦修習思惟演說應作是念我今書寫
乃至演說甚深般若波羅蜜多皆是十方一
切世界諸佛世尊現說法者神力護念時舍

利子復白佛言若善男子善女人等能於般
若波羅蜜多甚深經典書寫受持讀誦修習
思惟演說皆是十方諸佛神力慈悲護念令
彼所作殊勝善業諸惡魔軍不能留難尔時
佛告舍利子言如是如是如汝所說若善男
子善女人等能於般若波羅蜜多甚深經典

巨

大般若經五百八

十五

書寫受持讀誦修習思惟演說當知皆是諸
佛世尊神力護念時舍利子復白佛言若善
男子善女人等能於般若波羅蜜多甚深經
典書寫受持讀誦修習思惟演說十方世界
一切如來現說法者皆共識知由此因緣歡
喜護念若善男子善女人等能於般若波羅

蜜多甚深經典書寫受持讀誦修習思惟演
說恒為十方一切世界諸佛世尊現說法者
佛眼觀見由此因緣慈悲護念所作善事無
不皆成爾時佛告舍利子言如是如是如汝
所說若善男子善女人等書寫受持讀誦修
習思惟演說甚深般若波羅蜜多恒為十方
一切世界諸佛世尊現說法者佛眼觀見識
知護念令諸惡魔不能嫉惱所作善業皆疾
成辦又舍利子住菩薩乘諸善男子善女人
等若能於此甚深般若波羅蜜多書寫受持
讀誦修習思惟演說當知已近一切智智諸
惡魔怨不能留難又舍利子安住大乘諸善

男子善女人等若能書寫甚深般若波羅蜜
多種種種莊嚴受持讀誦當知於此甚深般若
波羅蜜多深生信解能以種種上妙華鬘乃
至燈明供養恭敬甚深般若波羅蜜多是善
男子善女人等常為如來佛眼觀見識知護
念由此因緣定當獲得大財大利大果大報
巨 大般若經卷八
又舍利子住菩薩乘諸善男子善女人等若
能書寫受持讀誦供養恭敬甚深般若波羅
蜜多由此善根乃至獲得不退轉地常不遠
離諸佛菩薩恒聞正法不隨惡趣生天人中
安穩快樂是善男子善女人等由此善根乃
至無上正等菩提常不遠離布施淨戒安忍

精進靜慮般若波羅蜜多廣說乃至一切相
智及餘無量無邊佛法由此速證無上菩提
由此因緣諸善男子善女人等欲得無上正
等菩提於此般若波羅蜜多甚深經典應勤
書寫受持讀誦修習思惟為他演說恭敬供
養無得躋捨

爾時舍利子白佛言世尊如是般若波羅蜜
多甚深經典佛涅槃後何方興盛佛告舍利
子如是般若波羅蜜多甚深經典我涅槃後
至東南方漸當興盛彼方多有安住大乘諸
苾芻苾芻尼鄒波索迦鄒波斯迦能於如是
甚深般若波羅蜜多深心信樂書寫受持讀

誦修習思惟演說獲以種種上妙華鬘乃至
燈明供養恭敬甚深般若波羅蜜多由此善
根不墮惡趣或生天上或生人中富貴受樂
由斯勢力增益六種波羅蜜多令速圓滿因
此獲能供養恭敬尊重讚歎諸佛世尊後隨
所應依三乘法漸次修習而趣出離又舍利
巨子如是般若波羅蜜多甚深經典我涅槃後
大般若經卷八
從東南方轉至南方漸當興盛彼方多有安
住大乘諸苾芻苾芻尼郁波索迦耶波斯迦
能於如是甚深般若波羅蜜多深心信樂書
寫受持讀誦修習思惟演說獲以種種上妙
華鬘乃至燈明供養恭敬甚深般若波羅蜜

多由此善根不墮惡趣或生天上或生人中
富貴受樂由斯勢力增益六種波羅蜜多令
速圓滿因此復能供養恭敬尊重讚歎諸佛
世尊後隨所應依三乘法漸次修習而趣出
離又舍利子如是般若波羅蜜多是深經典
我涅槃後復從南方至西南方漸當興盛彼
方多有安住大乘諸苾芻苾芻尼郁波索迦
郁波斯迦能於如是甚深般若波羅蜜多深
心信樂書寫受持讀誦修習思惟演說復以
種種上妙華鬘乃至燈明供養恭敬甚深般
若波羅蜜多由此善根不墮惡趣或生天上
或生人中富貴受樂由斯勢力增益六種波

羅蜜多令速圓滿因此獲能供養恭敬尊重
讚歎諸佛世尊後隨所應依三乘法漸次修
習而趣出離又舍利子如是般若波羅蜜多
甚深經典我涅槃後從西南方至西北方漸
當興盛彼方多有安住大乘諸苾芻苾芻尼
鄒波索迦鄒波斯迦能於如是甚深般若波
羅蜜多巨深心信樂書寫受持讀誦修習思惟
演說復以種種上妙華鬘乃至燈明供養恭
敬甚深般若波羅蜜多由此善根不墮惡趣
或生天上或生人中富貴受樂由斯勢力增
益六種波羅蜜多令速圓滿因此獲能供養
恭敬尊重讚歎諸佛世尊後隨所應依三乘

大般若經卷五十八

十六

法漸次修習而趣出離又舍利子如是般若
波羅蜜多甚深經典我涅槃後從西北方轉
至北方漸當興盛彼方多有安住大乘諸苾
芻苾芻尼鄔波索迦鄔波斯迦能於如是甚
深般若波羅蜜多深心信樂書寫受持讀誦
修習思惟演說護以種種上妙華鬘乃至燈
明供養恭敬甚深般若波羅蜜多由此善根
不墮惡趣或生天上或生人中富貴受樂由
斯勢力增益六種波羅蜜多令速圓滿因此
後能供養恭敬尊重讚歎諸佛世尊後隨所
應依三乘法漸次修習而趣出離又舍利子
如是般若波羅蜜多甚深經典我涅槃後復

從北方至東北方漸當興盛彼方多有安住
大乘諸苾芻苾芻尼鄔波索迦鄔波斯迦能
於如是甚深般若波羅蜜多深心信樂書寫
受持讀誦修習思惟演說復以種種上妙華
鬘乃至燈明供養恭敬甚深般若波羅蜜多
由此善根不墮惡趣或生天上或生人中富
巨貴受樂由斯勢力增益六種波羅蜜多令速
大般若經卷第八圓滿因此復能供養恭敬尊重讚歎諸佛世
尊後隨所應依三乘法漸次修習而趣出離
又舍利子我涅槃已後時後分復五百歲甚
深般若波羅蜜多於東北方大作佛事何以
故舍利子一切如來應正等覺所尊重法即

是般若波羅蜜多甚深經典如是般若波羅
蜜多甚深經典一切如來應正等覺共所護
念舍利子非佛所得法毗柰耶無上正法有
滅沒相諸佛所得法毗柰耶無上正法即是
般若波羅蜜多甚深經典舍利子彼東北方
安住大乘諸善男子善女人等有能於此甚
深般若波羅蜜多深心信樂書寫受持讀誦
修習思惟演說我常護念令無損惱舍利子
彼東北方安住大乘諸善男子善女人等有
能書寫如是般若波羅蜜多甚深經典復以
種種上妙華鬘乃至燈明供養恭敬我定說
彼由此善根不隨惡趣生天人中常受富樂

由斯勢力增益六種波羅蜜多令速圓滿因
此復能供養恭敬尊重讚歎諸佛世尊後隨
所應依三乘法漸次修學得般涅槃何以故
舍利子我以佛眼觀見證知稱譽讚歎是善
男子善女人等所獲福聚東西南北四維上
下一切如來應正等覺亦以佛眼觀見證知
巨 大般若經五百八
稱譽讚歎是善男子善女人等所獲福聚二十時
舍利子復白佛言甚深般若波羅蜜多佛涅
槃已後時後分後五百歲於東北方廣流布
耶佛告舍利子如是如是甚深般若波羅蜜
多我涅槃已後時後分後五百歲於東北方
當廣流布又舍利子我涅槃已後時後分後

五百歲彼東北方安住大乘諸善男子善女人等若得聞此甚深般若波羅蜜多深心信樂書寫受持讀誦修習思惟演說當知彼類久發無上正等覺心久修菩薩摩訶薩行多供養佛事多善友久多修習身或心慧所種善根皆已成就由斯福力得聞如是甚深般若波羅蜜多深心信樂復能書寫受持讀誦精勤修學如理思惟廣為有情宣說開示


大般若波羅蜜多經卷第五百八 巨

山城國綴喜郡新村

靈瑞山剛恩菴沙門宗桂書寫之

巨

大般若經卷八



水一

